

docri v文川网  
入駐商家  
在文川网搜索古籍书城 获取更多电子书

中國方志叢書·華北地方·第五五九號


據

明嘉慶十四年刊本  
明胡宗纂修

影印

甘肅省

# 秦安志



2018

成文出版社有限公司印行



中華民國六十五年 月臺一版

# 秦安志

全 冊

發行人：黃 成 助

出版者：成文出版社有限公司  
台北市郵政信箱二二六〇五號  
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

秦安縣志序

可泉方伯既成秦安志時汾西亢君知秦安縣  
遂請壽諸梓人梓人告成乃走使以予序其首  
簡子讀可泉之志感山川清淑之氣必欲以鍾  
夫人故聖賢君子之生山川之名隨之爲穹窿  
秦安居隴西萬山之中而賢人君子之生代不  
絕人非其清淑之氣承運播靈安能若此哉可  
泉子於是爲之志以載其文獻然固有不可得  
而辭焉者矣志凡八篇首建置次地里次職官

docsriver 文川网  
入驻商家 古籍书城

在文川网搜索古籍书城 获取更多电子书

禮制學校人物田賦藝文未載權文公之文三  
十二篇若曰文章事業不徒今之爲然在唐已  
如此矣亢君之治秦安吏畏民懷教化興起西  
土郡邑未能或之先也即志又可以見其所有  
事非瑣瑣簿書期會而已於乎其賢矣哉其賢  
矣哉

嘉靖十四年乙未五月丁亥潞西山人康海序

世英往見禮闈所刻可泉先生試策竊擬其當得上第及被選入翰林乃竊嘆其當有是也既世英得選爲秦安令初擬其地邊戎西去長安必遠也及入其境則隴山之磅礴隴水之迴曲人物之瑰奇風土之淳樸殆不在長安下可泉先生生其間也顧不傑然哉然可泉先生才名動海宇初擬其襟懷高逸有難於晉接者及先生憂居三載挹其風裁如陽春然聽其言論如

鳴琴然而後知君子之所就譬之芝房蘭室人  
將遠詣之不暇也一日以縣志請先生曰吾志  
也吾聞侯有是舉非一日矣遂許諾既閱月而  
志成有八舉焉每一志出世英竊嘆其文辭雋  
逸理致淵瀟有沛然若江河處有巍然若山岳  
處而又遊神木天讀中祕書者自迴與人殊而  
非俗手所可擬矣是故於建置則因革之必覈  
也於地里則形勝之必甄也於職官則循良之  
必右也於人物則節行之必崇也於學校則風

化之攸貞也於禮制則儀度之攸閑也於田賦  
則食貨之可攷也於藝文則文獻之足徵也是  
為一方之史而百年之典也視太史公何媿哉  
且隴河久不知名也今知名矣權先生往行久  
不聞於隴西也今聞於隴西矣文公所撰文辭  
久不誦習於秦中人士也今誦習於秦中人士  
矣先生於是用心不既勤哉不惟世英樂其成  
而邑縉紳父老咸稱慶焉然則是邑之美不因  
先生而鳴於天下而是志之良不因先生而



傳之後世哉

嘉靖十有四年夏五月五日汾曲亢世英引

關治教曰舅夫可泉八公曾撰安慶志二泉大  
宗伯邵公謂爲小司馬以元山大宗伯席公  
謂爲得左氏之遺旨前谿中允景公謂其文  
辭博雅出入經傳彷彿三史凌跨近代遠心  
曠識迥不可及蓉川黃門齊公謂古有承而  
今僅見作述體備卓然爲一家言安慶自有  
他郡自無端谿憲使王公謂其文婉而章其  
事博而約其義溫而直古之遺史也予於秦  
安志亦以爲然是故讀建置志古今在我矣

讀地理志形勝疆域可不出戶庭而知也讀  
職官志政教是以厲矣讀禮制志昭

盛代之儀度也讀學校志明才賢之彙征也  
讀人物志往哲芳躅可爲後學觀法者章章  
也讀田賦志貢與產著矣讀藝文志一方之  
文獻足以徵矣前谿先生云可泉子兼三長  
而善用之信然離谿治教識

縣志目錄

邑人司泉胡績宗撰

卷之一

卷之二

建置志

地里志上

卷之三

卷之四

地理志下

職官志

卷之五

卷之六

禮制志

學校志

卷之七

卷之八

人物志

田賦志

卷之九

藝文志

八志九卷

藝文志目錄終

連置志第一

秦安志一

學生胡正宗李元

胡績宗曰三代而上以封建而治三代而下以不封建而治  
不古若然郡縣而得若守令焉斯治矣故治不三代  
若者又不專在於郡縣也秦安秦地也置縣雖不  
甚遠然介於秦隴汧渭之間亦名地也

秦故秦州北境也故亦曰秦雖近創自金而統  
於雍州涼州隸於天水郡略陽郡著名隴西者  
遠矣故自庖犧氏開闢已為成紀地陽元地得

卷之十一

一不刻上有乃後或迫於西戎或復於中國初  
成紀字今存保於其中潘繼牧於周恭子至秦襄公而國  
地益大西戎益遠矣乃復數為僭竊者所據遂  
為用武地乃後金盭強數侵我秦州北鄙宋遂  
棄之故南為軍屬宋北為此名屬金而秦分矣秦  
分而軍為州若為縣以至於今也今縣南得成  
紀什之二東得隴城什之七北得鷄川什之一  
亦成地曠而瘠民朴而貧

國朝稱下縣云

禹貢為雍州之域

春秋為秦國附庸地屬雍州

戰國為秦國地屬秦

秦為隴西郡地史記

漢為涼州治武都以其地西偏置涼州蓋以其

州理於隴西常理為隴縣隴師古三今呼街泉縣 略陽

道成紀縣地 屬天水郡涼州 初始元年

秦襄漢 隗囂據其地

東漢建武中冀平地復歸漢 為涼州刺史治



通考曰 為略陽縣 有街泉亭 有大坂名

隴城 顯親縣 成紀縣地 屬漢陽郡 涼

州刺史部

魏為隴城縣 屬略陽郡 為顯親縣 屬天

水郡

晉為臨渭縣 略陽縣 屬略陽郡 為顯親

縣 屬天水郡 大康元年分隴西為秦州

即 永嘉五年為南陽王世子保所據 大興

四年併於趙石虎

docsriver 文川网  
入驻商家 古籍书城

在文川网搜索古籍书城 获取更多电子书

永和六年附於秦苻健 大元十九年奪於秦  
姚興 義熙十三年劉裕滅秦地復歸晉十四  
年復侵於夏勃勃

宋為畧陽太守 為略陽令 為天水太守

為河陽令地並屬秦州刺史恐亦僞治爾 魏為河

陽郡地 亦為北秦州 宋元嘉七年魏為

河三年魏克復夏地入於魏

齊地屬魏

梁普通五年魏正光五年為莫折念生所據

梁大通元年魏考昌五年州人殺念生以其地

歸魏 梁太平二年魏恭帝四年宇文覺受魏

禪地乃屬周

陳大建十三年周天元大象三年楊堅受周禪

地乃屬隋

隋為隴城縣

舊曰略陽置略陽郡開皇三年郡廢改曰河陽六年改曰隴城

成紀縣

屬天水郡

大業三年改

煬帝大覺九年為薛舉所

據

唐為隴城縣

高祖武德元年取地二年以縣置文州八年州廢太宗貞觀三年置

長川縣六成紀縣地 屬隴右道秦州天水郡

寶應間隴右陷於吐蕃大中咸通始復隴右

景福二年為李茂貞所併

後梁 為秦州地 唐天祐十二年梁貞明元

年奪於蜀王建

後唐 同光三年滅蜀地歸後唐

後晉 清泰三年滅唐地歸後晉

後漢 天福十二年契丹亂華地復附於蜀

契丹滅晉劉氏起於太原中國多故惟武節度何建以秦州附蜀

後周 顯德二年伐蜀地歸後周

宋為秦砦成紀縣地涼國關記隴城砦有唐縣

山街亭泉蜀將馬謖敗處時隴城縣然在州東三十里雞川砦地屬

秦鳳路 秦州天水郡雄武軍節度紹興十二年割秦州

之半與金而州紹興間陝西五路俱陷於金九

年和議成歸我陝西地十年背盟地又陷時

秦州猶屬宋秦砦已屬金故屬宋者稱漢屬

金者稱番今秦州有漢四漢六

金為秦安城後為縣皇統中置隴城縣有大隴

鷄川縣地 屬熙秦路

元顯端平二年金注世為秦安縣至正七年併雞

川隴城入焉 屬秦州 鞏昌都總帥府

國朝洪武二年

高皇帝逐胡元平秦隴魏國徐公兵至知縣楊

宗歸附焉仍為秦安縣隸秦州 鞏昌府

城週三里有北十步高丈有九尺宋為秦砦金

為秦安城後為縣 國朝亦因之為縣云景泰

初知縣質修葺焉成化癸巳胡虜深入府同知

張洪定奉巡撫都御司馬公文昇擲子重修之  
高三丈厚二丈有五尺隍外增築子牆高丈餘  
成化間知縣鵬增修西城獨厚人至今稱之弘  
治乙丑知縣威奉巡撫都御史楊公一清擲子  
加葺焉有二門二樓曰濱渭曰凭隴云  
縣治居城西之北元至正間知縣思聰建洪武  
十二年知縣宣重修弘治九年知縣森增修焉  
中為撫字堂三前為御箴亭東為幕聽東迤  
南為吏戶禮房架閣庫西迤南為兵刑工房承






發司後為退省堂三楹為知縣宅廳之東為典史  
宅宅之後為預備倉亭之前為牧愛門左為土  
神祠右為吏廨又前為大門三楹樓門之前左  
右為榜房

巡按察院舊為布政分司在城隍廟東中有堂  
東西有序後亦有堂東有厨西有廂前有儀門  
有門

按察分司在城隍廟西有堂有後堂有東西序  
有厨有廂有儀門有門



別駕公署在縣東有堂有東西序有後堂有厨  
有儀門有門

隴城巡檢司在縣東九十里略陽道故城內成  
化十年都御史馬公以其地去縣遠而曠特

奏云云

陰陽學舊志云在縣西三十步洪武間訓術學  
老森督建今蕩然矣

醫學縣東北五十步洪武間醫學生楊亨督建今  
祗有門有週墻云

儒會司在興谷寺北

申明亭在縣西

里七故十里曰坊廂曰附廓曰坊下俱在城曰  
崇明縣南曰崇政曰崇新曰至善俱縣西北曰  
崇教曰隴城曰隴安俱縣東嘉靖元年大造廉  
其民不及三分之二因省附廓坊下隴城云  
縣倉即預備倉在縣治內東北隅十間署縣秦  
州吏目戴紳修又十有二間並倉亭知縣世英  
增立

縣庫在縣堂之右

學倉在學內儀門外東 三間

教場在縣北一里中有講武亭 三楹 其地廣

十畝

鋪八縣前曰總南三十里曰剡嘉西北四十里

曰郭嘉西北七十里曰仙嶺東四十里曰高峰

七十里曰邵店九十里曰隴城東北百有二十

里曰卧馬關

建置志第一終

建置志補

秦邑志一

重修秦邑城池記

易曰王公設險以守其國城與池亦險也關隴  
西北迫近羗戎城與池尤所當設者秦邑有城  
自金及元矣 國朝成化癸巳虜深入巡撫都  
御史馬公鼎劄令修之未厚也弘治乙丑邊警  
總制尚書楊公清劄令葺之未高深也君子曰  
豫也嘉靖壬寅虜犯塞總督尚書劉公天全和擊之  
虜敗去乃奏列城欲高深之既得請特

勅一按察副督之乃劄令諸郡邑高深之咸如  
奏君子曰盡豫之道也暨辛丑邑令陳侯檄典  
膳麟時秀訓術元甫宗仁分工築之後之陳尋  
去四工起邑丁若干人高深之咸如劄於是東  
南元甫西南麟東北宗仁西北時秀鷄鳴趣工  
鷄栖罷工壯者杵少者篳掘者錯運者登官臨  
之甲監之登登之聲相和勃勃之色相先而鄉  
大夫士有携酒肴慰勞者未逾歲城巖然厚池  
巖然坳矣比見各丁於城將半日勲勲然曾無

docsriver 文川网  
入驻商家 古籍书城

在文川网搜索古籍书城 获取更多电子书

告勞者於工將訖日親親焉曾無告疲者而二  
典膳以裕稱二訓術以毅稱道路籍籍也編畧  
邑經歷希顏至卯出酉入督東北城尤力蓋東  
加三之二南加五之半西加五之三北加四之  
三城高三丈有五尺厚二丈有三尺池深三丈  
有三尺葺臨郡邑皆築葺浚也率多補葺之爾  
晉邑加厚與高與深若另修一城然者故見者  
曰是城何堅邪丁曰土厚尔曰是城何嚴邪丁  
曰力專尔蓋訓術與膳曰僕僕督之感如檄鄉



大夫士所目觀也是城也起工於辛丑春末訖  
工於壬寅秋初工將成次及二月城將起而四  
城樓未創也按察君亟欲報完而不知吾邑工  
加於他城池數倍乃禮將曾未到工之暮史以  
文幣遂報完而希顏元甫宗仁麟時秀曾無尺  
帛之勞聞者訝之殆諸君先後捧

勅下蘭駐節于蘭而諸城之力弗力堅弗堅高  
弗高深弗深皆未目擊心惟若日憑几以待報焉  
尔然遂遷矣於戲此豈獨修城歟哉既邑令揚侯